



Broj: 02-04-10001-2/25
Sarajevo, 27.03.2025. godine

PREDSJEDAVALJUĆI SKUPŠTINE KANTONA SARAJEVO

PREDMET: Stavovi na Amandmane zastupnika u Skupštini Kantona Sarajevo na prijedlog Zakona o izvršavanju Budžeta Kantona Sarajevo za 2025. godinu

Na nastavku **105. vanredne** sjednice održanom dana **27.03.2025.** godine, a u funkciji pripreme **21.** Radne sjednice Skupštine Kantona Sarajevo, razmatrani su amandmani zastupnika u Skupštini Kantona Sarajevo na prijedlog Zakona o izvršavanju Budžeta Kantona Sarajevo za 2025. godinu, i to:

1. Amandmani Kristić Danijele, zastupnice stranke Narod i pravda u Skupštini Kantona Sarajevo,
2. Amandmani Hašimbegović Marijele, zastupnice Demokratske fronte u Skupštini Kantona Sarajevo.

Nakon razmatranja amandmana zastupnika u Skupštini Kantona Sarajevo na prijedlog Zakona o izvršavanju Budžeta Kantona Sarajevo za 2025. godinu, Vlada Kantona Sarajevo zauzela je sljedeće

S T A V O V E

1. **Amandmani Kristić Danijele, zastupnice stranke Narod i pravda u Skupštini Kantona Sarajevo**

AMANDMAN I

Prijedlogom Zakona o izvršavanju Budžeta Kantona Sarajevo za 2025. godinu

U članu 6. iza stava (6) dodaje se novi stav (7) koji glasi:

Izuzetno, prijedloge tromjesečnih i mjesečnih operativnih planova iz stava (3) ovog člana članice Univerziteta u Sarajevu dostavljaju Ministarstvu finansija.

Obrazloženje

S obzirom na složenost i kompleksnost funkcionisanja članica Univerziteta u Sarajevu, posebno imajući u vidu realizaciju domaćih i međunarodnih projekata, potrebno je omogućiti bržu i efikasniju realizaciju operativnih planova, kao i što je bilo prethodnih godina, Članice Univerziteta u Sarajevu imaju specifičnu dinamiku prihoda (npr. domaćih i međunarodnih projekata) i izmirenja

rashoda (obaveze za PDV, obaveze prema ino partnerima i sl.), a sve u cilju poštivanja utvrđenih zakonskih rokova za izmirenje obaveza.

Stav predlagača:

Amandman se ne prihvata.

Obrazloženje

Članom 6. stav (3) prijedloga Zakona o izvršavanju Budžeta Kantona Sarajevo za 2025. godinu propisano je da budžetski korisnici koji su u sastavu resornog ministarstva svoje operativne planove dostavljaju Ministarstvu finansija putem svog resornog ministarstva.

Ovom odredbom je utvrđen isti tretman za sve budžetske korisnike koji su u sastavu resornih ministarstava, pa tako i za članice Univerziteta u Sarajevu, a sve u cilju pravilnog i transparentnog planiranja i trošenja budžetskih sredstava.

AMANDMAN II

Prijedlogom Zakona o izvršavanju Budžeta Kantona Sarajevo za 2025. godinu

U članu 15. stava (5) mijenja se i glasi:

Izuzetno, u slučaju nedovoljno planiranih budžetskih sredstava na pozicijama plaća i naknada troškova zaposlenih, doprinosa i posebnih naknada na dohodak za zaštitu od prirodnih i drugih nepogoda, uz saglasnost rukovodilaca članica Univerziteta u Sarajevu, mogu se koristiti vlastiti prihodi radi preknjiženja i izmirenja osnovnih plaća i naknada troškova zaposlenih, doprinosa i posebnih naknada na dohodak za zaštitu od prirodnih i drugih nepogoda u iznosu do 20% od planiranih, a naplaćenih vlastitih prihoda koje ostvare u toku budžetske godine i razgraničenih vlastitih prihoda iz prethodnih godina.

Obrazloženje

U skladu sa članom 26. stav (1) i (2) Zakona o visokom obrazovanju Kantona Sarajevo („Službene novine Kantona Sarajevo broj 36/22) definisano je da:

(1) Sredstva za obavljanje osnovne djelatnosti na javnim visokoškolskim ustanovama i članicama univerziteta osiguravaju se iz Budžeta Kantona Sarajevo i obavljanjem registrovane djelatnosti.

(2) Sredstvima iz stava (1) ovog člana finansiraju se plate i naknade zaposlenih, u skladu s propisima kojim se uređuju plate zaposlenih u oblasti visokog obrazovanja, kolektivnim ugovorom, te normativima i standardima za obavljanje djelatnosti visokog obrazovanja na području Kantona Sarajevo.

S tim u vezi, za izmirenje navedenih obaveza osiguravaju se sredstva isključivo iz Budžeta Kantona Sarajevo. Međutim, u slučaju nedovoljno planiranih budžetskih sredstava na pozicijama osnovnih plaća i naknada troškova zaposlenih, doprinosa i posebnih naknada na dohodak za zaštitu od prirodnih i drugih nepogoda, uz saglasnost rukovodilaca članica Univerziteta u Sarajevu, mogu se koristiti vlastiti prihodi radi preknjiženja i izmirenje navedenih rashoda. Navedena saglasnost rukovodilaca članica je potrebna jer se radi o namjenskim vlastitim приходima (doktorski studiji, projektne aktivnosti i dr.).

Stav predlagača:

Amandman se ne prihvata.

Obrazloženje



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

Članom 15. stav (5) prijedloga Zakona o izvršavanju Budžeta Kantona Sarajevo za 2025. godinu propisano je da Univerzitet u Sarajevu i njegove organizacione jedinice mogu koristiti vlastite prihode za izmirenje plaća i naknada troškova zaposlenih, doprinosa i posebnih naknada na dohodak za zaštitu od prirodnih i drugih nepogoda u iznosu 20% od planiranih, a naplaćenih vlastitih prihoda koje ostvare u toku budžetske godine i razgraničenih vlastitih prihoda iz prethodnih godina.

Iz prakse prethodnih godina vlastiti prihodi Rektorata i članica Univerziteta u Sarajevu koristili su se za izmirenje plaća i naknada troškova zaposlenih, doprinosa i posebnih naknada na dohodak za zaštitu od prirodnih i drugih nepogoda, te je bitno da se trošenje vlastitih prihoda za navedene rashode propiše i Zakonom o izvršavanju Budžeta Kantona Sarajevo za 2025. godinu.

Ovom odredbom se ne krši Zakon o visokom obrazovanju, jer se većina vlastitih prihoda koje ostvari Univerzitet u Sarajevu naplati/ostvari obavljanjem registrovane djelatnosti.

AMANDMAN III

U članu 17. iza stava (5) dodaje se novi stav (6) koji glasi:

Pisane saglasnosti, odnosno odbijeni Zahtjev sa obrazloženjem, iz stava (5) ovog člana za Univerzitet u Sarajevo, resorno ministarstvo dostavlja u roku od 5 radnih dana od dana zaprimanja Zahtjeva.

Obrazloženje

S obzirom na kompleksnost Univerziteta u Sarajevu i omogućavanje efikasnije realizacije preraspodjela sredstava članica Univerziteta u Sarajevu, neophodno je definisati rok kojim se obavezuje resorno ministarstvo da pošalje ili odbije Zahtjev za preraspodjelu iz člana 17. stava (1) i (4). Ukoliko cijenite da se predloženi amandman treba odnositi na sve budžetske korisnike u članu 17. iza stava (5) dodaje se novi stav (6) koji glasi:

Pisane saglasnosti, odnosno odbijeni Zahtjev sa obrazloženjem, iz stava (5) ovog člana, resorno ministarstvo dostavlja u roku od 5 radnih dana od dana zaprimanja Zahtjeva.

Stav predlagača:

Amandman se ne prihvata.

Obrazloženje

Članom 17. stav (5) prijedloga Zakona o izvršavanju Budžeta Kantona Sarajevo za 2025. godinu propisano je:

„Budžetski korisnik koji je u Budžetu u sastavu resornog ministarstva dužan je uz zahtjev za preraspodjelu sredstava iz st. (1) i (4) ovog člana Ministarstvu finansija dostaviti saglasnost tog ministarstva za navedenu preraspodjelu.“

Navedena odredba odnosi se na sve budžetske korisnike koji su u sastavu resornih ministarstava, te smatramo da nema potrebe da se resorna ministarstva ovim zakonom obavežu tačno utvrđenim rokom za davanje saglasnosti za preraspodjelu.

2. Amandmani Hašimbegović Marijele, zastupnice Demokratske fronteu Skupštini Kantona Sarajevo

AMANDMAN I



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

U Članu 15. stav (5) Prijedloga Zakona o izvršavanju Budžeta Kantona Sarajevo za 2025 godinu koji glasi:

(5) Univerzitet u Sarajevu i njegove organizacione jedinice mogu koristiti vlastite prihode za izmirenje plaća i naknada troškova zaposlenih, doprinosa i posebnih naknada na dohodak za zaštitu od prirodnih i drugih nepogoda u iznosu 20% od planiranih a naplaćenih vlastitih prihoda koje ostvare u toku budžetske godine i razgraničenih vlastitih prihoda iz prethodnih godina, briše se dio 'u iznosu 20% od planiranih a naplaćenih vlastitih prihoda koje ostvare u toku budžetske godine i razgraničenih vlastitih prihoda iz prethodnih godina' i dodaje u skladu sa Zakonom o visokom obrazovanju i Članom 26.stav (1) i stav (2).

Obrazloženje

Navedeni prijedlog koji se tiče raspodjele vlastitih prihoda je u suprotnosti sa Članom 26. stav (1) a posebno stavom (2) Zakona o visokom obrazovanju:

(1) Sredstva za obavljanje osnovne djelatnosti na javnim visokoškolskim ustanovama i članicama univerziteta osiguravaju se iz Budžeta Kantona Sarajevo i obavljanjem registrovane djelatnosti.

(2) Sredstvima iz stava (1) ovog člana finansiraju se plate i naknade zaposlenih, u skladu s propisima kojim se uređuju plate zaposlenih u oblasti visokog obrazovanja, kolektivnim ugovorom, te normativima i standardima za obavljanje djelatnosti visokog obrazovanja na području Kantona Sarajevo.

Stav predlagača:

Amandman se ne prihvata.

Obrazloženje

Članom 15. stav (5) prijedloga Zakona o izvršavanju Budžeta Kantona Sarajevo za 2025. godinu propisano je da Univerzitet u Sarajevu i njegove organizacione jedinice mogu koristiti vlastite prihode za izmirenje plaća i naknada troškova zaposlenih, doprinosa i posebnih naknada na dohodak za zaštitu od prirodnih i drugih nepogoda u iznosu 20% od planiranih, a naplaćenih vlastitih prihoda koje ostvare u toku budžetske godine i razgraničenih vlastitih prihoda iz prethodnih godina.

Iz prakse prethodnih godina vlastiti prihodi Rektorata i članica Univerziteta u Sarajevu koristili su se za izmirenje plaća i naknada troškova zaposlenih, doprinosa i posebnih naknada na dohodak za zaštitu od prirodnih i drugih nepogoda, te je bitno da se navedeno trošenje vlastitih prihoda propiše i Zakonom o izvršavanju Budžeta Kantona Sarajevo za 2025. godinu.

Ovom odredbom se ne krši Zakon o visokom obrazovanju, jer se većina vlastitih prihoda koje ostvari Univerzitet u Sarajevu naplati obavljanjem registrovane djelatnosti.

AMANDMAN II

U Članu 17 stav (5) Prijedloga Zakona o izvršavanju Budžeta Kantona Sarajevo za 2025 godinu glasi:

Budžetski korisnik koji je u Budžetu u sastavu resornog ministarstva dužan je uz zahtjev za preraspodjelu sredstava iz st. (1) i (4) ovog člana Ministarstvu finansija dostaviti saglasnost tog ministarstva za navedenu preraspodjelu, potrebno je dodati sljedeće u vremenskom roku od 7 dana.

Obrazloženje

Radi kontinuiteta djelovanja i uslova za rad svako pribavljanje mišljenja i saglasnosti mora imati tačno preciziran rok, u protivnom budžetski korisnici bivaju izloženi samovolji resornog

ministarstva što dovodi do blokade rada (slučaj iz 2024 godine). Na ovaj način svi projekti se stavljaju u potencijalan rizik da mogu biti zaustavljeni.

Potrebno je utvrditi neki rok za postupanje resornog ministarstva nakon kojeg se smatra da je saglasnost data ili odbijena uz obrazloženje.

Po Zakonu o upravnom postupku to je 7 dana.

Stav predlagača:

Amandman se ne prihvata.

Obrazloženje

Članom 17. stav (5) prijedloga Zakona o izvršavanju Budžeta Kantona Sarajevo za 2025. godinu propisano je:

„Budžetski korisnik koji je u Budžetu u sastavu resornog ministarstva dužan je uz zahtjev za preraspodjelu sredstava iz st. (1) i (4) ovog člana Ministarstvu finansija dostaviti saglasnost tog ministarstva za navedenu preraspodjelu.“

Navedena odredba se odnosi na sve budžetske korisnike koji su u sastavu resornih ministarstava, te smatramo da nije potrebno da se resorna ministarstva ovim zakonom obavežu tačno utvrđenim rokom za davanje saglasnosti za preraspodjelu.

PREMIJER

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

3. Zamjenici predsjedavajućeg Skupštine Kantona Sarajevo (3x),
4. Sekretar Skupštine Kantona Sarajevo,
5. Premijer Kantona Sarajevo,
6. Ministarstvo finansija Kantona Sarajevo,
7. Evidencija,
8. A r h i v a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba